

BƠ-ÀR KƠI PÔL PỜYOA  
TỜ MƠNİH  
KÔLÔSE

*Pơnuai Cũă-Rowăng*

<sup>1</sup> Pôl, mơnih tởdi-tởdài Yàng Jêsu Krist, tui hotai-khiăng Yàng Pô Lơngì, găm sỡng Timôthe, mơnih adỡi-ai buỡl gudrỡi, <sup>2</sup> poyoa tở du adỡi-ai buỡl gudrỡi dò lăm pỡi-prỡng Kôlôse, la du mơnih sỡchih-sri sỡng tởpă sa hotai-hotiàn lăm Pô Krist: Yòng lỏkoux Yàng Pô Lơngì la Ama buỡl gudrỡi, bỡi pơnuai anit-bỡi-soh sỡng pơnuai rỡng-lơngai tở buỡl adỡi-ai.

YÀNG JÊSU KRIST LA AKỔ ABIH TỜGRỔ  
JỜI-PHỔN, LA PHỮN-ỚKHA PỜNUAỈ  
DỔNG-PỜKLÀH

*(Mỡng tẳl 1:3 truh tẳl 2:23)*

*Pơnuai Ừnjờmừn Sỡng Ioux-Lài*

<sup>3</sup> Tũ ioux-lài tở buỡl adỡi-ai, buỡl dỏl hă 'buh pỏdỏh pỏ sắp ừnjờmừn Yàng Pô Lơngì, Ama Yàng buỡl gudrỡi la Yàng Jêsu Krist. <sup>4</sup> Koyoa buỡl dỏl hă hũ mớhữ mỡng pơnuai pắng-tui buỡl adỡi-ai lăm Yàng Jêsu Krist, sỡng mỡng hotai-hotiàn ừn-rỏnăm buỡl adỡi-ai sỡng abih du mơnih sỡchih-sri, <sup>5</sup> hotai-hotiàn pắng-tui sỡng hotai-hotiàn ừn-rỏnăm nửn tỏbiă truh mỡng pơnuai gờnừm-càng hũ pioh tở buỡl adỡi-ai tở ngổ lờngì, la pơnuai bloh dỏl houx thỡi buỡl adỡi-ai hũ mớhữ lăm pơnuai-tỏpă, la Pơnuai-Siàm hũ truh sỡng buỡl adỡi-ai. <sup>6</sup> Pơnuai-Siàm ni dò tỏbiă bỡnga boh sỡng prỡng-tỏgồ lăm abih dun-ya, kũng youx tởkrah buỡl adỡi-ai, mỡng hỏrỡi buỡl adỡi-ai

hũ mớhữ sớng wờng thớu pớnuai anít-broi-soh Yàng Pô Lớngì biã-biài la hợgẽ. <sup>7</sup> Buớl adới-ai hũ mớgru pớnuai nửn sớng Epapras, la mớnih adới-ai gớũ duh bruã Yàng gãm sớng buớl dớlhã, sớng la mớnih uớn-rớnãm biã sớng buớl dớlhã. Sớ-ai nửn la mớnih tợpã sa hớtai-hotiàn duh bruã Pô Krist ala buớl adới-ai. <sup>8</sup> Epapras kũng đờm tợ buớl dớlhã thớu mứng hớtai-hotiàn uớn-rớnãm bloh Yàng Bớngã Sớchih-Sri hũ broi tợ buớl adới-ai.

<sup>9</sup> Koyoa nửn, mứng hớroi hũ mớhữ pớnuai ni, buớl dớlhã 'buh pớdớh iớu-lài tợ buớl adới-ai, yờng Yàng Pô Lớngì broi tợ buớl adới-ai pớnuai wờng-thớu truh kớnoh mứng hớtai-khiãng Pô, gãm sớng abih tợgrớ pớnuai jak-khờh sớng pớnuai wờng-thớu bloh Bớngã Sớchih-Sri broi. <sup>10</sup> Tô buớl adới-ai hớdiũ iớũ pãl tợ Yàng, ngã siàm hớtai Pô lãm abih tợgrớ mớta, hũ tobiã bớngã boh lãm tợgrớ bruã siàm, sớng 'brồ hớroi 'brồ wờng thớu Yàng Pô Lớngì rớlau. <sup>11</sup> Gớnửm tợ gớnãp-gớnuãr màng-kớchra Pô bloh buớl adới-ai hũ baũ pớnuai khãng-pràn, tô hũ rợgới kớjãp hớtai-hotiàn kớng ă-ửn sớng sớh-sài lãm abih tợgrớ mớta, <sup>12</sup> sớng pồ sãp ứnjomừn Pô Yàng Ama, la Pô hũ ngã tợ buớl adới-ai tobiã jiờng iớũ pãl hũ đờ-lẽng phớn-bớna phũm-kớsai sớng du mớnih sớchih-sri lãm pớnuai sớrdah. <sup>13</sup> Pô hũ đớng-tợleh buớl gudroi klàh mứng gớnuãr pớnuai kớnãm-mớsrữ, sớng ba buớl gudroi tợma lãm lợgãr Anà uớn-rớnãm Pô, <sup>14</sup> lãm Anà nửn buớl gudroi hũ pớnuai đớng-pồklàh, la pớnuai anít toh-luoi glài-sớnoh.

### *Pô Krist La Prớng-Màng Rớlau Abih*

<sup>15</sup> Ka hũ aràng sới 'buh Yàng Pô Lớngì, bloh tũ Anà Pô, la Yàng Jêsu Krist, tobiã jiờng sa aràng anà mớnih, Pô hũ ngã tợ buớl gudroi wờng jiờng Yàng Pô Lớngì la hớyớu lới, koyoa Pô la mớhiớ yớu Yàng Pô Lớngì. Sớng Pô kũng

mơhiở you anà lợkơi kợcua, Yàng Pô Lợngì bợi gợnuả tợ Pô apăn-akõ abih tợgrở jợi-phỡn bloh Yàng Pô Lợngì hữ ỡrỡng-tợbiả. <sup>16</sup> Koyoa lăm Pô, abih tợgrở jợi-phỡn tợ ngỗ lợngì sỡng tợ ala lỡn hữ ỡrỡng-tợbiả, nủn la du phỡn 'buh jiỡng sỡng du phỡn 'bu 'buh jiỡng. Halài sỏbàn pợtau, halài gợnuả apăn-akõ, halài du mớnih apăn-akõ, halài du gợnuả apăn-akõ, abih tợgrở mợta hữ ỡrỡng-tợbiả la tợ Pô sỡng koyoa Pô. <sup>17</sup> Pô hữ dợlhou abih tợgrở jợi-phỡn, sỡng abih tợgrở jợi-phỡn hữ dò dỡng kợjấp lăm Pô. <sup>18</sup> Pô la akõ rùp-phạp, nủn la Torpuol Goh-Sợcìh. Pô la dợlhou-ỡmừp, la anà ỡmừp rợlau abih mỡng anih mợtai hợdiủ wợ, tợ lăm abih tợgrở mợta Pô la akõ. <sup>19</sup> Koyoa Yàng Pô Lợngì hữ sợh hợtai-hợtiàn daủ abih pợnuảỉ wỉl-tợl dợi lăm Pô Yàng Anà, <sup>20</sup> sỡng gợnừm tợ Pô Yàng Anà bloh pợhợlờ-tợmsợr abih tợgrở jợi-phỡn sỡng rùp-phủn dợi. Koyoa drah Pô Yàng Anà hợ tợbiả tợ ngỗ kợyou pợkỏl, Pô ba pợnuảỉ rỡng-lợngai truh tợ abih tợgrở jợi-phỡn, 'buh kợrhia la tợgrở jợi-phỡn tợ ala lỡn halài tợgrở jợi-phỡn tợ ngỗ lợngì.

<sup>21</sup> Mỡng dợlhou thợi, buợl adợi-ai la du mớnih kợđờng pợklah atàh sỡng Yàng Pô Lợngì, tợbiả jiỡng du mớnih mợbai-tợmợdrả sỡng Pô koyoa mỡng hợtai-sợnủng sỡng bruả ngỏ mợsak-jợhà dợi, <sup>22</sup> bloh tữ ni Yàng Pô Lợngì gợnừm tợ pợnuảỉ mợtai Anà Pô kợng lăm rùp-phạp drah-rợlo bloh ngỏ tợ buợl adợi-ai hữ hợlờ-tợmsợr, tợ buợl adợi-ai tợbiả jiỡng sợcìh-sri, wỉl-tợl, sỡng 'buh hữ hợgợ tợ puảỉ 'buah jiỡng tợ anaủ Pô, <sup>23</sup> mỡn la buợl adợi-ai kừ sợdaủ dò dỡng kợjấp lăm pợnuảỉ pợng-tui, 'buh mợgợi lợng-gợh, 'buh klà lượi pợnuảỉ gợnừm-ỡng lăm Pợnuảỉ-Siàm bloh buợl adợi-ai hữ pợng-mợhủ, la Pợnuảỉ-Siàm hữ pợto-akhàn tợ abih tợgrở jợi-phỡn dò tợ ala lợngì, sỡng dợlhả, Pôl, hữ tợbiả jiỡng mớnih duh bruả tợ Pợnuảỉ-Siàm nủn.

*Gơnuăr-Bruă Sǒng Pơnuai Gleh-Glă*

<sup>24</sup> Tũ ni đơlă mã ngã sờh-sài mǔng bruă đơlă hũ kǒng-anòng pơnuai pơđi-pơđoa gleh-glă koyoa buol adơi-ai, sǒng kǔng koyoa rùp-phàp Pô, la Tơpuol Goh-Sơih, bloh apăn rùp-phàp drah-rơlo droi kǒng abih tǒgrǒ pơnuai dò đơlah vớ lăm pơnuai pơđi-pơđoa gleh-glă Pô Krist. <sup>25</sup> Đơlă hũ tobiă jǒng mơnih duh bruă Tơpuol Goh-Sơih, tui gơnuăr-bruă bloh Yàng Pô Lơngì, koyoa buol adơi-ai, hũ jào tơ đơlă, tồ poto-akhàn pơnuai Yàng Pô Lơngì wĩl-tổl tơ buol adơi-ai, <sup>26</sup> nǔn la pơnuai tởđơ-dơlăm hũ bởđơ-tởđơ mǔng tǒgrǒ tũ-rài sǒng tǒgrǒ jơi-rài, bloh tũ ni hũ ràng-tobiă tơ du mơnih sớih-sri Pô. <sup>27</sup> Koyoa Yàng Pô Lơngì khiăng ràng-tobiă tơ buol guũ thơu mǔng pơnuai mớda gơn-hữp sǒng pơnuai mǎng-kớchà tởđơ-dơlăm ni tởkrah buol làng agàh la hơyơu, nǔn la Pô Krist dò lăm buol adơi-ai, la pơnuai gơnừm-çàng mǔng pơnuai mǎng-kớchà. <sup>28</sup> Rùp-phũn Pô la Pô buol đơlă poto-akhàn. Buol đơlă angui abih tǒgrǒ pơnuai jak-khờh tồ poto-pơhuố tǒgrǒ mơnih, poto-pơsài tǒgrǒ mơnih, tồ đǒng tǒgrǒ mơnih tobiă jǒng wĩl-tổl lăm Pô Krist. <sup>29</sup> Koyoa mǔng pơnuai phũn ni bloh đơlă abih hotai-hotiàn ngã bruă, gơnừm tơ pràn Pô đǒng-kờl bloh tǎmngă, la pràn ngã bruă hũ gơnuăr lăm đơlă.

## 2

<sup>1</sup> Biă yơu nǔn, đơlă khiăng buol adơi-ai thơu đơlă pǎl tǎmngă gleh-glă hơyơu lơi tơ buol adơi-ai, tơ du mơnih dò lăm Laodise, sǒng tơ abih tǒgrǒ mơnih pơkỏn ka 'buh 'bò mớta đơlă tui gah rùp-phàp drah-rơlo, <sup>2</sup> tồ hotai-hotiàn buol guũ hũ pơluơ-pơơngài sǒng sa hotai-hotiàn sǒng gớu lăm pơnuai ướn-rơnă, kǔng yơu hũ pơnuai wờng-thơu đơlah-dơlài sǒng nìn-kỏjăp tồ kràn-thơu pơnuai tởđơ-dơlăm Yàng Pô Lơngì, nǔn la Pô

Krist, <sup>3</sup> lăm Pô hũ bớđoũ-tớđoũ abih tợgrở mọtá cớk-màng mững pớnuai jak-khờh sớng pớnuai wờng-thờu. <sup>4</sup> Dớlũa đờm pớnuai ni tồ 'buh hũ aràng sới angui pớnuai khờh pớluơ-jà bloh pớng-gớla buớl adới-ai. <sup>5</sup> Koyoa yah rùp-phạp dớlũa atàh-pớklah, bloh hotai-bớngã dớlũa sớđau dò sớng buớl adới-ai, dớlũa sớh-sài tử 'buh buớl adới-ai hũ pớnuai daũ-rolau dớlhou-hớđoi nỉ-nùn sớng pớnuai pắng-tui kớjáp-pràn lăm Pô Krist.

<sup>6</sup> You nửn, buớl adới-ai hũ đờ-mã Yàng Jêsu Krist la Yàng hớyờu lời, nửn yàm nau bẻ lăm Pô yờu nửn rời. <sup>7</sup> Cả bẻ ớkha sớng bớ rớnở lăm Pô, mã pớnuai pắng-tui ngã tồ pràn-kớjáp, tui yờu buớl adới-ai hũ pớto-pớsài, sớng dớlah-dớlài bẻ lăm pớnuai ưnớmừn.

#### *Ớc-Kớrmắp Bẻ Mững Pớnuai Pớto-Pớsài Sũng Asủ*

<sup>8</sup> Pắl ớc-kớrhia bẻ, juới luới aràng sới mã pớnuai jak-khờh dun-ya sớng pớnuai lờr 'bớr 'buh kớw, tui pớnuai adát-lớđáp yau jới anà mớnih, tui du adát-hớđiũ rài dun-ya ni, 'buh tui Pô Krist, bloh mã buớl adới-ai pắl pắng-duh ớu. <sup>9</sup> Juới luới du mớnih nửn pớluơ pớng-gớla buớl adới-ai, koyoa yah tử dò hớđiũ lăm dun-ya, lăm rùp-phạp sa aràng anà mớnih, Pô Krist sớđau wỉl-tớl la Yàng Pô Lớngì. <sup>10</sup> Sớng buớl adới-ai kũng gớnừm tợ Pô bloh hũ baũ-tớl abih tợgrở mọtá, koyoa Pô la akỏ abih tợgrở gớnuảr apăn-akỏ sớng abih tợgrở gớnuảr. <sup>11</sup> Lăm Pô buớl adới-ai kũng hũ đờ-mã adát sớkaũ-kớlì, 'buh iớũ koyoa tớngàn mớnih ngã, bloh la pớnuai sớkaũ-kớlì koyoa Pô Krist, nửn la wà prah rài hớđiũ anà mớnih glài-sớnoh buớl gudrới. <sup>12</sup> Tử đờ-mã adát 'baptem, buớl adới-ai hũ đờr sớng Pô, nửn kũng hũ hớđiũ wớ sớng Pô koyoa pớnuai pắng-tui lăm gớnáp-gớnuảr Yàng Pô Lớngì, la Pớtau hũ ngã tợ Pô mững mớnih mọtai hớđiũ wớ. <sup>13</sup> Dớlhou thớr, buớl adới-ai la du mớnih mọtai koyoa glài-sớnoh sớng koyoa rùp-phạp

drah-rôlo droi 'buh hũ sokaũ-kôli, ni Yàng Pô Lôngi hũ ngã tơ buol adoi-ai hodiũ wở sớng Pô Krist, koyoa Pô hũ toh-luoi abih tởgrở glài-sỏnh buol gudroi. <sup>14</sup> Pô hết prah bở-àr wả mững glài-sỏnh bloh pỏnuai adăt-adia tỏnia-duah pảl ngã glài buol gudroi. Pô hũ hết prah ừu sớng bruả pớng ừu tở ngỗ koyou pokăl. <sup>15</sup> Pô hũ suả prah abih du gỏnuảr apăn-akỗ gảm sớng du gỏnuảr, sớng rằng-tỏbiả bruả ừn tở anaũ buol làng pỏi-lỏgảr; Pô hũ pha-jai rỏlau guũ sớng koyou pokăl.

<sup>16</sup> Koyoa ừn, juoi luoi arằng sỏi ỏhroĩa buol adoi-ai mững phỏn 'bớng, phỏn mỏnũm, mững hỏroi pỏjũm 'bớng, hỏroi ia-blàn bỏrhỏu, halài hỏroi sa'bat. <sup>17</sup> Tởgrở pỏnuai ni mủn la bớng tởgrở hỏgẻ rỏũ truh, dò rùp biả la Pô Krist. <sup>18</sup> Juoi luoi kỏđỏng pỏluỏ pớng-gỏla bloh lỏhiả phỏn mỏyỏm-broi koyoa mững du mỏnih ngã mothỉ-lỏr you pỏ-ỏneh rùp sớng ỏẻ-dỏlbắt du mỏnih gỏdrủh. Buol guũ kừ tui duah bruả broi pỏ'buh, bloh ừn sớng hỏtai-akỗ gah rùp-phạp drah-rỏlo, buol guũ yeh-droi pỏglỏng-rùp 'buh kwỏ-mằng. <sup>19</sup> Buol guũ 'buh pỏgỏp kỏjỏp sớng Pô Krist la Akỗ, tỏ gỏnừm tở Pô bloh abih sa boh rùp-phạp hũ ỏiảm-rỏng, hũ pỏỏuảl-pỏgỏp sớng gỏũ koyoa mững du kỏ-yỏl tỏlằng, du tỏlỏi ỏrả, sớng hũ pỏrỏng-tỏgỏ tui hỏtai-khiảng Yàng Pô Lôngi.

<sup>20</sup> Yah buol adoi-ai hũ mỏtai sớng Pô Krist sớng hũ đỏng-tỏleh klàh mững du yằng dò apăn-akỗ dun-ya, ừn kỏđỏ hỏgẻ buol adoi-ai sỏđỏũ hỏdiũ yỏu mỏnih dun-ya? Kỏđỏ hỏgẻ buol adoi-ai sỏđỏũ pằng-bỏbah pằng-rỏmiả du pỏnuai adăt: <sup>21</sup> “Juoi mả, juoi tiảm, juoi rỏwỏ!” <sup>22</sup> Abih tởgrở pỏnuai adăt ừn la pỏiỏ tở du phỏn gảm sớng dun-ya, du phỏn hũ ngã-nỏn rỏũ brủ-lỏhiả hỏdỏi tũ hũ angui. ừn mủn la du pỏnuai adăt koyoa jỏi anà mỏnih ngã tỏbiả sớng pỏto-pỏsài. <sup>23</sup> Biả du pỏnuai ừn, gah agỏh ỏr

you jak-khòh, koyoa duh-dolbăt tui hotai droi, găm sǝng pɔnuai pɔ-ɔneh rùp sǝng pɔnuai pɔkɔũ-pɔkăl rùp-phàp, bloh 'buh hũ kwɔ-màng hɔgě lăm bruă tãmdră-wǝ sǝng hotai-hotiàn hàm-khiăng gah rùp-phàp drah-ròlo.

## PŌNUAI PŌTO-KŌKŌI MŪNG ADĀT HŌIDIŪ LĂM PLOI-LŌGĂR SŌNG SĂNG DŌNÒ

### 3

*(Mŭng tãl 3:1 truh tãl 4:18)*

#### *Rài Hodiũ Borhou Lăm Pô Krist*

<sup>1</sup> You nŭn, yah buol adɔi-ai hũ hodiũ wǝ sǝng Pô Krist, tui duah bẽ tɔgrǝ bruă tɔ ngǝ lɔngì, la anih Pô Krist dò guh tɔ gah hɔnuă Yàng Pô Lɔngì. <sup>2</sup> Hàm-tɔkrur bẽ tɔgrǝ bruă tɔ ngǝ lɔngì, juoi hàm-tɔkrur tɔgrǝ bruă tɔ ala lǝn. <sup>3</sup> Koyoa anà mɔnih klă glài-sɔnoh buol adɔi-ai hũ mɔtai bɔjɔ, pɔnuai hodiũ buol adɔi-ai hũ bɔdoũ tɔrdoũ sǝng Pô Krist lăm Yàng Pô Lɔngì. <sup>4</sup> Tũ lɔi Pô Krist la pɔnuai hodiũ buol gudroi tɔbiă pɔ'buh rùp, tũ nŭn buol adɔi-ai kŭng rǝũ tɔbiă pɔ'buh rùp sǝng Pô lăm pɔnuai màng-kɔçrà.

<sup>5</sup> You nŭn, suă prah bẽ tɔgrǝ pɔnuai mɔsak-johà tɔbiă klàh mŭng rài hodiũ buol adɔi-ai, you glài dri-sɔnoh bŭng-pɔkăl, du bruă ngă mɔsak-johà, du hotai-sɔnŭng sǝũ-johà dò apăn-akǝ droi, hàm khiăng du pɔnuai sŭng johà sǝng hàm-lăm, koyoa hàm-lăm 'buh kroi you duh-dolbăt rǝp-ràk. <sup>6</sup> Koyoa mŭng du pɔnuai nŭn bloh pɔnuai anok-anoa pɔrŭng Yàng Pô Lɔngì rǝũ tuh trŭn tɔ ngǝ du mɔnih 'buh păng-duh. <sup>7</sup> Rùp-phŭn buol adɔi-ai dǝlhou throi kŭng hodiũ you nŭn rɔi, tũ buol adɔi-ai dò hodiũ tɔkrah du mɔnih nŭn. <sup>8</sup> Bloh tũ ni, buol adɔi-ai păl klà luoi bẽ abih tɔgrǝ pɔnuai nŭn klàh mŭng rài hodiũ droi: nŭn la pɔnuai anok-anoa pɔrŭng, pɔnuai anok hotai sǝng pɔnuai mɔsak-johà. Juoi ðòm borloi-potăt aràng soi, juoi

hũ sa pơnuai sỡ-johà bũng-pokāl lơi tobiã mững kàng-bơbah buol adơi-ai. <sup>9</sup> Juoi đờm lờ sỡng gổũ, koyoa hũ wà prah-luoi anà mớnih klă găm sỡng du bruã ngă ñu, <sup>10</sup> bloh cừ mã anà mớnih bớrhơu, la anà mớnih hũ pơsoli h bớrhơu tui rùp-rỡp Pô ỡrỡng-tobiã mớnih nửn, tô hũ truh tỡ pơnuai wờng thỡu wĩl-tỡl. <sup>11</sup> Tỡ anih ni 'buh dò pơklah-kroi mớnih Grek halài mớnih Juda, mớnih sokaũ-koli halài mớnih 'buh sokaũ-koli, mớnih 'buh thỡu wã-wờng halài mớnih Sithe,\* mớnih holũn-holă halài mớnih akỏ-lớhuai tởkai-lớnàng; bloh Pô Krist la abih tỡgrỡ mớta sỡng dò lăm tỡgrỡ mớnih.

<sup>12</sup> Buol adơi-ai la du mớnih hũ Yàng Pô Longi pơlih-rơwah, la du mớnih sỡch-sri sỡng uỡn-rỡnăm biã. You nửn, buol adơi-ai pāl hũ bẻ hotai-hotiàn anit-ană, siàm-anit, pỡ-ỡneh rùp, lơnguh-lờngui sỡng kỡng ă-ữn. <sup>13</sup> Yah sa aràng mớnih lơi lăm buol adơi-ai hũ pơnuai hỡgẽ yuãm 'buah sỡng mớnih pỏkỡn, nửn pāl kỡng ă-ữn bẻ tỡ gổũ sỡng anit toh-luoi tỡ gổũ. Yàng hũ anit toh-luoi tỡ buol adơi-ai hỡyỡu lơi, nửn buol adơi-ai kũng pāl anit toh-luoi tỡ gổũ yỡu nửn rỡi. <sup>14</sup> Bloh tỡ ngỏ rỏlau abih tỡgrỡ pơnuai nửn, buol adơi-ai pāl hũ hotai-hotiàn uỡn-rỡnăm, koyoa la tỡlỡi akỏ-pỡcũal pơnuai wĩl-tỡl.

<sup>15</sup> Yờng lỏkỡu pơnuai rỡng-lờngai Pô Krist apăn-akỏ lăm hotai-hotiàn buol adơi-ai, la pơnuai rỡng-lờngai bloh buol adơi-ai hũ iỡu truh tô tobiã jỡng sa rùp-phập. Buol adơi-ai kũng pāl hũ hotai-hotiàn ừnjomừn.

<sup>16</sup> Yờng lỏkỡu pơnuai pỏto-pỡsài Pô Krist hỡdiũ baũ lăm hotai-hotiàn buol adơi-ai. Angui bẻ abih tỡgrỡ pơnuai jak-khờh tô pỏto sỡng kỏkỡi-pỏto gổũ, angui pơnuai pỏdik adoh-mỏyòm, pơnuai adoh sỡch-sri, pơnuai pỏdik-adoh gah bỡngă, tô adoh tỡ Yàng Pô Longi sỡng

\* 3:11 3:11 Lăm rài nửn mớnih Sithe hũ tiỡng la jỡi mớnih mớsak-johà rỏlau tỡ du jỡi mớnih pỏkỡn.



hotai-hotiàn thour unjomùn. <sup>17</sup> Abih togrõ pơnuai hơgẽ buol adơ-ai đờm halai ngã, nửn ngã bẽ togrõ bruã lăm angãn Yàng la Yàng Jêsu, gơnừm tơ Pô bloh unjomùn Yàng Pô Lơngì, la Pô Yàng Ama.

### *Bruã-Phũn Hơdiũ Lăm Sàng Dơnò*

<sup>18</sup> Ố du mơnih la sodiũ, păng-duh bẽ pơsàng dơi, koyoa yơu nửn ka iơũ pãl la mơnih dò lăm Yàng. <sup>19</sup> Ố du mơnih la pơsàng, uởn-rơnãm bẽ sodiũ dơi, juoi hơdiũ ơmrah-mơsak sớng ãu.

<sup>20</sup> Ố du mơnih la anà, păng-bơbah ngã tui bẽ ame-ama dơi lăm abih togrõ mơta, koyoa nửn la pơnuai siàm hotai Yàng. <sup>21</sup> Ố du mơnih la ama, juoi ngã tơ anà dơi anok-anoa, huoi guũu pơblõ hotai-hotiàn ơu.

<sup>22</sup> Ố du mơnih hơlũn-hơlã, păng-duh bẽ du mơnih pô dơi tui pơ-ơnah gah rùp-phàp drah-rơlo lăm abih togrõ mơta, 'buh iơũ mĩn păng-duh tơ anaũ mơta soh, yơu mơnih khiăng ngã tô siàm hotai aràng, bloh koyoa duh-huoi tơ Yàng, mã bẽ hotai-hotiàn tơpã-tơpe bloh duh bruã. <sup>23</sup> Tũ ngã togrõ bruã hơgẽ, abih hotai-hotiàn bẽ bloh ngã, yơu ngã tơ Yàng, bloh 'buh iơũ ngã tơ anà mơnih, <sup>24</sup> koyoa thour lài buol adơ-ai rữ đờ-mã phũm-kơsai phỡn-bơna mững Yàng ngã phỡn moyòm-bơi. Buol adơ-ai dò duh bruã Pô Krist la Yàng. <sup>25</sup> Aràng sới ngã pơnuai sũng asũ rữ pãl kớng bơ-yàr wớ tui pơnuai sũng asũ dơi hũ ngã; 'buh hũ pơklah kới aràng sới ơu.

## 4

<sup>1</sup> Ố du la mơnih ngã pô, mã bẽ pơnuai rĩng-tơpã sớng pơnuai siàm-tơpã bloh hơdiũ sớng du mơnih hơlũn-hơlã dơi, koyoa thour lài buol adơ-ai kũng hũ sa Pô phũn dơi tơ ngỗ lờngì.

*Pơnuai Poto-Kokoi Mừng Pơnuai Iơu-Lài Sống Pơnuai Jak-Khờh*

<sup>2</sup> Buol adoi-ai pāl kojăp hotai-hotiàn mớđơh-kraũ bloh iơu-lài sống ưnjơmừn. <sup>3</sup> Kũng yòng iơu-lài bẻ tơ buol đơhă, yòng Yàng Pô Lơngì pơh bơh 'băng tơ buol đơhă poto-akhàn pơnuai Pô, tô buol đơhă đờm tobiă pơnuai tởđơũ-dơlăm Pô Krist. Koyoa mừng pơnuai tởđơũ-dơlăm nửn bloh đơhă kớđòng jàm-krờ. <sup>4</sup> Kũng yòng iơu-lài tô đơhă hũ rợơi ràng-tobiă loh-làng mững pơnuai tởđơũ-dơlăm nửn, yơu pơnuai đơhă pāl đờm.

<sup>5</sup> Buol adoi-ai pāl hơđiũ jak-khờh bẻ sống tởgrở mớnh agàh ka păng-tui Yàng. Pāl pơlai bẻ tũ hơơi. <sup>6</sup> Pơnuai đờm buol adoi-ai pāl hũ hotai-hotiàn siàm-anít tui găm, sống 'bă bợngi yơu daũ pơtởl sra tơma, tô buol adoi-ai thơu pāl đờm sớđô wở sống yàu aràng la hơyơu lơi.

*Đờm Bơoi Pothơu Dolhơu Mừng Tičikơ Sống Ônesim*

<sup>7</sup> Tičikơ la mớnh adoi-ai buol đơhă ưỡn-rơnămbiă, sa aràng mớnh đờng duh bruă Yàng tởpă sa hotai-hotiàn, sống la sa aràng mớnh ngă bruă găm sống đơhă lăm Yàng, rợ đờm tơ buol adoi-ai thơu abih tởgrở bruă mững đơhă. <sup>8</sup> Koyoa mừng pơnuai phũn ni bloh đơhă pớđăr sơ-ai nửn truh sống buol adoi-ai, tô buol adoi-ai hũ thơu loh-làng mững buol đơhă tũ ni hơyơu lơi, sống kũng tô sơ-ai nửn pơluơ-pơơngài hotai-hotiàn buol adoi-ai. <sup>9</sup> Nau găm sống sơ-ai nửn hũ Ônesim, mớnh adoi-ai tởpă sa hotai-hotiàn sống ưỡn-rơnămbiă, la mớnh sa pơoi phũn sống buol adoi-ai. Buol guũu rợ đờm tơ buol adoi-ai thơu mững abih tởgrở bruă tơ anih ni.

*Pơnuai Čuă-Rowăng Sống Poto-Kokoi Tơlũ Bơ-àr Poyoa*

<sup>10</sup> Aritak, mớnh adoi-ai gợũ dò jàm găm sống đơhă, poyoa pơnuai čuă-rowăng buol adoi-ai. Mak, adoi-ai gợũ-pơtiàn sống 'Banaba kũng yơu nửn rơi. Mững Mak, buol

adoi-ai hũ đò-mă tởgrở pơnuai đòm kokoi-pơđar mững sơ-ai nửn bớjở, yah Mak truh anih buởl adoi-ai, yòng buởl adoi-ai wả-rò bẻ sơ-ai nửn siàm. <sup>11</sup> Jêsu, angăn la Justus kũng pơyoa pơnuai cũa-rơwăng buởl adoi-ai. Lăm tởgrở mớnih hũ adăt sỏkaũ-kỏlì, mỡn hũ du aràng mớnih ni ngả bruả gẳm sớng đớnhă kỏyoa lợgả Yàng Pô Lợngì, sớng buởl guũn la pơnuai pơluơ-pơrợngài tở đớnhă.

<sup>12</sup> Epapras, mớnih sa pời-phũn sớng buởl adoi-ai, sa aràng mớnih hợlũn-hợlả Yàng Jêsu Krist, pơyoa pơnuai cũa-rơwăng buởl adoi-ai. Sơ-ai nửn 'buh tử lợi pơđớh tẳmngả tở buởl adoi-ai lăm pơnuai iơu-lài, tồ buởl adoi-ai tobiả jờng wỡl-tỏl sớng abih hotai-hotiàn pắng-bớbah ngả tui tởgrở hotai-khiăng Yàng Pô Lợngì. <sup>13</sup> Kỏyoa đớnhă đòm ngả gớh tở sơ-ai nửn lài, sơ-ai nửn hũ ngả bruả gleh-glả biả kỏyoa buởl adoi-ai, sớng kỏyoa du mớnih dò lăm Laodise sớng Hierapôlis. <sup>14</sup> Luka, la mớnih gờnuả-jrào uớn-rợnẳm biả, pơyoa pơnuai cũa-rơwăng buởl adoi-ai, Demas kũng yơu nửn rợi.

<sup>15</sup> Yòng bớri đớnhă pơyoa pơnuai cũa-rơwăng du buởl adoi-ai dò lăm Laodise, sớng sơ-ai kớmới Nimpas gẳm sớng Tờpủl Goh-Sớchih pớjũm-pờtòm lăm sàng sơ-ai nửn. <sup>16</sup> Hợđới tử hũ pờpoh-ớở bớ-àr wả pơyoa ni tởkrah buởl adoi-ai, yòng pơyoa bẻ ñu tở Tờpủl Goh-Sớchih Laodise tồ pờpoh-ớở tở buởl adoi-ai gah nửn pắng rợi. Yòng buởl adoi-ai kũng pắl pờpoh-ớở bớ-àr đớnhă hũ wả pơyoa tở Tờpủl Goh-Sớchih Laodise. <sup>17</sup> Hợđới luỉ, yòng buởl adoi-ai đòm bẻ sớng Aớip: “Pắl abih hotai-hotiàn bloh ngả wỡl-tỏl gờnuả-bruả hũ đò-mă mững Yàng.”

<sup>18</sup> Rủp-phũn tợngàn đớnhă, Pôl, wả pơnuai cũa-rơwăng ni. Yòng buởl adoi-ai jườ wớrglai lài đớnhă sớđau dò kớđong sớng-anuh! Yòng lợkớu pơnuai anít-bớri-soh dò sớng buởl adoi-ai!

## Chru

### Chru: Chru (New Testament)

Copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 9 Feb 2021 from source files dated 6 Feb 2021

29890c73-845e-5b2d-84d7-4d631546315a